

**Meeqqat pisinnaatitaaffii pillugit isumaqatigiissummut Kalaallit Nunaata nammineq
qinikkaminik isumaqatigiissutip tapiliusnaanut 19. december 2011-mi
peqataalernissaanut Inatsisartut aalajangiussassaattut siunnersuut.**

Meeqqanut, Inuusuttunut Ilaqutariinnullu Naalakkersuisoq

pillugu

Ilaqutariinnermut Peqqissutsimullu Ataatsimiititaliap

Siunnersuutip aappassaaneerneqarneranut

ISUMALIUTISSIISSUTAA

Ataatsimiititaliaq suliarinninnermini uku ilaasortarai:

Inatsisartunut ilaasortaq Pipaluk Olsen, formand

Inatsisartunut ilaasortaq Aki-Matilda Høegh-Dam, siulittaasup tullia

Inatsisartunut ilaasortaq Bo Martinsen

Inatsisartunut ilaasortaq Paarma Lund Kreutzmann

Inatsisartunut ilaasortaq Anders Olsen

UKA2025-imi ulloq 8. oktober siullermeerinerup kingorna siunnersuut ataatsimiititaliap misissorpaa.

Siunnersuutip imarisaa siunertaalu

Meeqqat pisinnaatitaaffii pillugit isumaqatigiissummut Kalaallit Nunaata nammineq qinikkaminik isumaqatigiissutip tapiliusnaanut 19. december 2011-mi peqataalernissaa siunnersuutigineqartumi matumani siunertarineqarpoq. Inunnut ataasiakkaanut imaluunniit inuit eqimattanngorlutik Meeqqap pisinnaatitaaffii pillugit Naalagaaffiit Peqatigiit Ataatsimiititaliaannut isumaqatigiissutip kannguttaatsuliorfigineqarnera pillugu naammagittaalliuutigineqarsinnaalerneranik tamanna kinguneqassaaq. Kalaallit Nunaat nammineq qinikkaminik isumaqatigiissummut tapiliussamut ilanngutissappat isumaqatigiissummik sakkortuumik imaluunniit aaqqissuussamik isumaqatigiissummik kannguttaatsuliortoqarsimasinnaaneranut atatillugu misissuinissaminut ataatsimiititaliaq taamaalilluni periarfissinneqassaaq. Nunatsinni eqqartuussivinni tamani periarfissaarussimanissaaq, naammagittaalliuutigineqartoq tunngavissaqartoq, naammaginaratumik tunngavilersorsimasariaqartoq taamatuttaaq eqqartuussivilersuussisoqarnissaa pineqanngitsoq erseqqissaassutigalugu

naammagittaalliuuteqarnissaq naatsorsuutigineqarpoq. Taamaattumik ataatsimiititaliap oqaatigisai malinniarnarlugit Naalakkersuisut suliamiit suliamut nalilersorsinnaavaat.

Siunnersuutip Inatsisartunit siullermeerneqarnera

Siullermeerinninnermi siunnersuutigineqartoq ataatsimut isigalugu tapersorsorluarneqarpoq immikkoortorlu ataatsimiititaliami suliarineqartussanngorlugu innersuunneqarluni. Oqallinnermi meeqqanut tunngasut assigiinngitsut allat ilanngunneqarput, matumunnga ilanngullugu ullumikkut inatsisitigut inissisimaneq, meeqqanik inissiisarneq kiisalu siusinnerusuklut ullumikkullu suliniutigineqartut.

Siunnersuutip aningaasatigut kingunerisassai

Inatsisartut suleriaasianni § 33, imm. 1-imi allassimavoq aalajangiiffigisassatut siunnersuutip piviusunngortinneqarnissaanut aningaasaqarnikkut allaffissornikkullu kingunerisassat siunnersuummi tunngavilersuutitut allaaserineqassasut.

Siunnersuutip piviusunngortinneqarnissaanut aningaasatigut kingunerisassaatut taaneqartut siunnersuutigineqartumut naapertuuttut ataatsimiititaliap maluginiarpaa, taamaalilluni nammineq atuutilersillugu tapiliussamut ilanngunnissaa pisortanut inuussutissarsiutilinnulluunniit aningaasatigut annertuumik kinguneqarnissaa naatsorsuutigineqanngilaq.

Siunnersuummut ataatsimiititaliap oqaaseqaatai

Siullermeerinninnermi oqallinnermi nammineq qinikkamik tapiliussap pitsaaqutai ajoqutaalu aamma eqqaaneqarput, suliniutinik nutaanik aallartitsinerninngarnit meeqqat pisinnaatitaaffii malitsinneqarnissaat qulakkeerneqarnissaa pingaarnernunnginnersoq matumani ilanngullugu.

Meeqqat pisinnaatitaaffiisa nukittorsarneqarnissaannik kinguneqarnissaa tunngavilersuutigalugu nammineq qinikkamik isumaqatigiissutip tapiliussaanut ilanngunnissaq pisinnaatitaaffiit aallaavigalugit suliffeqarfiit arlallit kaammattuutigigaat Naalakkersuisut erseqqissaatigaat. Tamatumunnga ilanngullugu ataatsimiititaliap oqaaseqaatai pituttuisuunngitsut ataatsimiititaliamit maluginiarneqarpoq.

Ataatsimiititaliap inassuteqaatai

- Ataatsimiititaliap isumaqatigiittup siunnersuutigineqartoq akuerineqassasoq inassutigaa
- Siunnersuutigineqartup matuma atortuulersinneqarnissaanut piviusunngortinneqarnissaanullu tunngatillugu peqqissaarussissasut, tassunga

ilanngullugu meeqqat pisinnaatitaaffii pingaartillugit, pitsaassutsit
qulakkeerneqarnissaa malitsitsinerullu nukittorsarneqarnissaa ataatsimiititaliap
isumaqatigiittup Naalakkersuisunut kaammattuutigaa. Ilanngullugu
naammagittaalliorsinnaanermut periarfissat pillugit ilitersuutit siunnersuinerillu
meeqqanut tamanut atuaruminartuunissaat paasiuminartuunissaallu Naalakkersuisut
qulakkiissagaat Naalakkersuisut kaammattorneqarput.

Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap aappassaaniigassanngortippaa.

Pipaluk Olsen
Siulittaasoq

Aki-Matilda Høegh-Dam
Siulittaasup tullia

Bo Martinsen

Paarma Lund Kreutzmann

Anders Olsen